

家風

松菊依稀三逕窻戶明通六如太平事業無象淳正家風有餘

天真

聲利場中退步水雲鄉裏閒身順命不堪人偽達生自樂天真

業識

清靜本然未悟貪忙業識無涯逐境心頑似鐵隨流性亂如麻

趨新

夜壑舟遷捨故日車輪轉趨新緣木求魚妄作刻舟記劍勞神

知覺

聞見覺知四病杳冥昏默多愚求者捕亡擊鼓執之待兔守株

道藏輯要

雲山集

三

易集六

三教

為道為儒為釋水月鏡中三影皆從此處傳來選甚黃冠圓頂

五言絕句

荆棘

荆棘除難盡芝蘭樹不榮故園藜藿合松菊可憐生

賞音

炷冷香仍在燈青焰亦微斷紋絃再續今古賞音稀

真妄

妄滅真重遣心空性自圓百川俱涸海萬曜不離天

智巧

智巧渾如拙聰明卻似癡可憐千古意不許等閒知

病眼

病眼惟觀物塵心只慕緣政如蠶作繭來去自纏綿

著相

著相終難造求言未可知向人拈不出相對只揚眉

燭焰

燭弄風前焰漚翻水上波不尋安穩地生滅竟如何

心昧

莫向經中覓何勞相上尋博通今古事昧卻本來心

回頭

道藏輯要

雲山集

古

昇集六  
川川人

休探水底月莫認空中花兩足何常動回頭卽是家

今古

交臂成今古擡頭革故新一團空幻事謾殺利名人

塵冗

塵冗何須錄浮生未足誇好栽無影樹疎卻有情枷

生滅

落絮因風起飛花逐水流古今無定迹生滅有時休

塵心

塵心忙似火世事冗如麻不省光陰促紛紛逐落花

無盡藏